

ХІацІагылуазтын щарда хІылиитІ!



Аджьбакъ ХІаджьисмель СолІан йпа йызцауата

Хвду ззызбауа ХІаджьисмель!

*Сгвы йнатыцІуата аныбыжь пидза йамудаз – аскви 70 ахъаз
снауайхІвахІвитІ!*

*Уара уыңцІра шабгу абаза бызивала уыршІыйауа, ауи ацІолара
ууырдыруа, хІуагІа ргвы абайара шгІаухчуи йгъи йшалауырхІуи
уацтата угІабзатІ, йуылиаз щардапІ. ЙазукІкІыз ашІлалахІвараква,
йалауцІаз ауысаква, йугІвыз ахабаргІвыракви агІахІвахракви абазаква
хІтурых рыцІагъи йауацІырхтІ, йдырбайатІ. Скви 40 райхІа абаза
журналистика уалапІта – ауи агІамта ауацІа ауагІа хабар щарда
дуырдыртІ, йызквнагу гІвычІвгІвыс щардагІв рбзира гІауырбатІ,
«АтигІва» уадзхъачІвата хІыжвлара урачважвауамцара
гвыбзыгъара, уасаражвра щарда рзынауырдызатІ. Аратква зымгІва
уыхъыз абазаква хІтурых йгІалазжъуаш уыспІ. СайгвыргъыитІ ауат
ауысква йрыуата хІацыта «Алашара» жвлара адкІылары апны
йацыхІчназ. ЙалахІ ауи хІадкІылары ауырата йчна!*

ХІузыразпІ, АлахІ дузыразхатІ!

*ХІапхъахъылагъи аришІыйара апынгъи, абазара апынгъи адахІврак
уымазтІ! УызгІвадара багъята, абазара уайгвыргъыауа йаргъи
уаргвыргъыауа щардала адуней уыквызтІ! Анасыти абаракъати АлахІ
йуыгимырхатІ!*

**«Алашара» жвлара адкІылары апрезидент
Эгъзакъ Мусса.**